

Practice Test II, 2025-2026

Class X

Bengali (Code 005)

Answer key

Time: 3 hours

Maximum Marks: 80

PART A – Objective Type Questions (MCQ) : 25 Marks

Section - A

(Reading : Unseen Comprehension)

1. নিচের তিনটি গদ্যাংশ পড়ে প্রদত্ত প্রশ্নগুলির সঠিক উত্তরটি নির্বাচন করে লেখো :

{{(1×4) ×3}=12

A. বিশ্বাস পাতিল একজন বিশিষ্ট মরাঠি লেখক। বাঙালি পাঠকদের কাছে তাঁর বিশেষ পরিচিতি নেই। বাঙালি পাঠকরা ইংরিজি-ফরাসি-জার্মান সাহিত্যপাঠে আগ্রহী, কিন্তু অন্য ভারতীয় ভাষার সাহিত্য সম্পর্কে কোনো ঔৎসুক্য নেই। বিশ্বাস পাতিলের একটি বিখ্যাত গ্রন্থের নাম ‘মহানায়ক’। বলাই বাহুল্য এটি উত্তমকুমার বিষয়ক নয়। আমাদের জাতীয় জীবনে এবং স্বাধীনতা-সংগ্রামে একজন সত্যিকারের মহানায়ক আছেন, সেই নেতাজি সুভাষচন্দ্র বসুর জীবন অবলম্বনে এই উপন্যাস। বাংলায় সুভাষচন্দ্রকে নিয়ে অনেক বীরপূজা আবেগ-উচ্ছ্বাসের গ্রন্থ আছে বটে, কিন্তু সত্যিকারের ইতিহাসভিত্তিক এবং বিশ্লেষণমূলক জীবনী আজও লিখিত হয়নি। সেই কাজটি করলেন এই মরাঠি লেখক। পরাধীন ভারতের রাজনীতিতে এবং স্বাধীনতার জন্য সশস্ত্র সংগ্রামে সুভাষচন্দ্রের গুরুত্বপূর্ণ ভূমিকা অনেকটাই আড়াল করে রাখা হয়েছিল বর্তমানকালে। জাতীয় নেতার আসন থেকে সরিয়ে তাঁকে করার চেষ্টা হয়েছে বাংলার নেতা। কেন্দ্রীয় সরকারের বহু অর্থব্যয়ে রিচার্ড অ্যাটেনবরো যে ‘গান্ধী’ নামে চলচ্চিত্রটি নির্মাণ করেছিলেন, যার পটভূমিকা আমাদের স্বাধীনতা আন্দোলন, সেখানে সুভাষচন্দ্রের কোনো উপস্থিতি নেই। ‘মহানায়ক’ বইটি আমি পড়েছি ইংরিজি অনুবাদে, পৃষ্ঠা সংখ্যা ৬২৪, ছবিটি নেই, একেবারে ঠাসা। অন্য যে কোনোও বইয়ের সঙ্গে এই ধরনের বইয়ের একটি প্রধান তফাৎ, এর অনেক ঘটনাই তো আমাদের আগে থেকে জানা। তবু যদি কান ধরে টেনে নিয়ে যাবার মতন, প্রথম পৃষ্ঠা থেকে শেষ পৃষ্ঠা পর্যন্ত আমাদের মনোযোগ সমান থাকে, তবে সেটাই প্রশংসা করে লেখকের রচনার মুঙ্গিয়ানা। সুভাষচন্দ্রের জীবনের যে কয়েকটি কঠিন অংশ আছে, তার মধ্যে অন্যতম, বলতে গেলে প্রধান, মহাত্মা গান্ধীর সঙ্গে তাঁর জটিল সম্পর্ক। অহিংসার আদর্শের প্রতিষ্ঠাতা গান্ধীজি প্রকৃতই মহাত্মা, কিন্তু কখনও কখনও বেরিয়ে এসেছে এক নির্ভুর রাজনৈতিক খেলোয়াড়। ত্রিপুরী কংগ্রেস উপলক্ষে গান্ধীজির সুভাষ-বিরোধী ভূমিকা একেবারেই একদেশদর্শী, কিছুতেই তার ওপর নৈতিক প্রলেপ দেওয়া যায় না। অনেকগুলি পৃষ্ঠা ধরে শ্রীপাতিল এই অধ্যায়টি নিপুণ বিশ্লেষণের সঙ্গে রচনা করেছেন। গান্ধীজির সঙ্গে সুভাষের সম্পর্কটা যেন ভালোবাসা ও প্রতিদ্বন্দ্বিতার পাশাখেলা।

I. ‘মহানায়ক’ - এই গ্রন্থটি -

a. উত্তমকুমার বিষয়ক।

b. সুভাষচন্দ্র বিষয়ক।

c. মহাত্মা গান্ধী সম্পর্কিত।

d. রিচার্ড অ্যাটেনবরো সম্পর্কিত।

II. মন্তব্য (ক) : বাংলায় সুভাষচন্দ্রকে নিয়ে ইতিহাসভিত্তিক এবং বিশ্লেষণমূলক জীবনী-গ্রন্থ লেখা হয়েছে।

মন্তব্য (খ) : মরাঠি লেখক নেতাজির যে জীবনী-উপন্যাস লিখলেন তা কেবল বীরপূজা এবং আবেগ উচ্ছ্বাসে ভরা।

কোন বিকল্পটি সঠিক?

- a. মন্তব্য (ক) সঠিক, মন্তব্য (খ) সঠিক নয়।
- b. মন্তব্য (খ) সঠিক, মন্তব্য (ক) সঠিক নয়।
- c. মন্তব্য (ক) এবং মন্তব্য (খ) উভয়ই সঠিক।
- d. মন্তব্য (ক) এবং মন্তব্য (খ) কোনোটিই সঠিক নয়।

III. মন্তব্য : অহিংস আদর্শের প্রতিষ্ঠাতা গান্ধীজি প্রকৃতই মহাত্মা, কিন্তু কখনও কখনও বেরিয়ে এসেছে এক নিষ্ঠুর রাজনৈতিক খেলোয়াড়।

কারণ (ক) : ত্রিপুরী কংগ্রেস উপলক্ষে গান্ধীজির সুভাষ-বিরোধী ভূমিকা।

কারণ (খ) : স্বাধীনতার জন্য সশস্ত্র সংগ্রামে সুভাষচন্দ্রের গুরুত্বপূর্ণ ভূমিকা আড়াল করে রাখা।

কোন বিকল্পটি সঠিক?

- a. কারণ (ক) এবং কারণ (খ) উভয়ই সঠিক।
- b. কারণ (ক) এবং কারণ (খ) কোনোটিই সঠিক নয়।
- c. কারণ (ক) সঠিক, কিন্তু কারণ (খ) সঠিক নয়।
- d. কারণ (ক) সঠিক নয়, কিন্তু কারণ (খ) সঠিক।

IV. 'নিষ্ঠুর'-এর বিপরীত শব্দটি হবে -

- a. নির্দয়।
- b. সহৃদয়।
- c. ক্রুর।
- d. কঠোর।

B. দ্বিতীয় বিশ্বযুদ্ধে বৃহত্তর প্রান্তরে অক্ষশক্তির বিরুদ্ধে ব্রিটিশ মদতপুষ্ট মিত্রশক্তির সমরোদ্যোগে সৈন্যবাহিনীর প্রয়োজনীয় রসদেয় যোগানকেন্দ্র হিসাবে ভারতবর্ষীয় উপনিবেশের সম্ভাবনাময় কৃষিজ সম্ভার, বিশেষত পূর্ব এশিয়ার রণাঙ্গনে বাংলাদেশের প্রত্যাশিত সরবরাহের আকাঙ্ক্ষায় ঔপনিবেশিক সরকারের পেষণনীতি ক্রমশই এ দেশের কৃষি অর্থনীতির আকাশে মেঘের সঞ্চার ঘটিয়েছিল। প্রাকৃতিক দুর্যোগ, শস্যহানি ইত্যাদি অভ্যন্তরীণ অনিবার্য বিষয়গুলো ঠিক সেই মুহূর্তেই গ্রামীণ বঙ্গজীবনকে ধ্বস্ত করে রাখলেও ঐ যুদ্ধকালীন শোষণ-তৎপরতাপ্রসূত চরম খাদ্যসংকটে 'মনুষ্যসৃষ্ট দুর্ভিক্ষ'র যে ঘোলাজল, সেই আবর্তেই প্রধানত প্রায় ত্রিশ লক্ষ মানুষের দারিদ্র্য-অপুষ্টি-অনাহারে মৃত্যুমিছিল আজ ইতিহাসের মান্যতায় যথার্থই প্রতিষ্ঠিত। নিস্তরঙ্গ গ্রামবাংলায় অজানা, অদেখা বিশ্বরাজনীতির এই প্রবল অভিঘাতের বিষাক্ত পরিণতি, ছিন্নমূল মানুষের খাদ্য-জীবিকার সংস্থানে শহর কলকাতার রাজপথে সামান্য ফ্যানের প্রত্যাশায় গগনভেদী আতর্জনাদ। সংবেদনশীল মধ্যবিত্ত মননে তার রেশ ছুঁয়ে গেছে বারবার সাহিত্যশিল্পের বিবিধ প্রকাশভঙ্গিমায়ে। চিত্তপ্রসাদ, জয়নুল আবেদিন বা সোমনাথ হোরের কালজয়ী চিত্রগুচ্ছ তো এই সময়েরই গর্ভজাত। বিভূতিভূষণ বন্দ্যোপাধ্যায়ের 'অশনি সংকেত', ভবানী ভট্টাচার্যর 'সো মেনি হাঙ্গারস্', গোপাল হালদারের মন্বন্তর ত্রয়ী উপন্যাস বা বিজন ভট্টাচার্যের 'নবান্ন' সেই পরিপার্শ্বেরই ফসল। আইপিটিএ-এর সাংস্কৃতিক মঞ্চ জ্যোতিরিন্দ্র মৈত্র বাঁধলেন মেঘমুক্তির আশায় 'নবজীবনের গান'। মঞ্চের অপরাপর দিক্‌পাল ব্যক্তিত্ব হেমাঙ্গ বিশ্বাস, বিনয় রায়, হরিপদ কুশারি, সত্যেন সেন প্রমুখ সরব হলেন যন্ত্রণাদঙ্ক এই হাহাকারের বাস্তব গীতিভাষ্যে। নিঃসন্দেহেই পরিস্থিতির সার্বিক প্রতিক্রিয়ায় সলিলের সমাজঘনিষ্ঠ মননও আবুল হয়ে উঠেছিল সাঙ্গীতিক প্রকাশকল্পে। সম্ভবত মন্বন্তর পর্বে সলিল সৃষ্ট সর্বাধিক জনপ্রিয় ও সমমাত্রায় বিতর্কিত গান 'গাঁয়ের বধু'।

.... সুধী প্রধান এক আকর্ষণীয় তথ্যে আমাদের অবগত করেন যে, শিল্পী চিত্তপ্রসাদের চট্টগ্রামের আঞ্চলিক ভাষায় ১৯৪৪ - এ রচিত একটি গান - ‘শুনরে যতক দেশরবাসী চাডি গাঁওয়ের নারী’ সলিলকে প্রণোদিত করেছিল ‘গাঁয়ের বধূ’ (আনুষ্ঠানিক প্রকাশ ১৯৪৯) রূপকল্পে। তবু সার্বিক শ্রবণে মেনে নিতেই হয়, সলিলের বিশিষ্ট ভঙ্গিমা তঁর সৃষ্টি ছুঁয়ে গেছে স্বকীয় মাত্রার শীর্ষবিন্দু। মৌলিক অবয়বে এই গান খানিকটা বর্ণনাত্মক গল্পের আদল, যার প্রথম পর্বে বিধ্বংস-পূর্ববর্তী সহজ, নিস্তরঙ্গ গ্রামীণ বাংলার বারোমাস্যা, অন্য পর্বে দুর্ভিক্ষের করাল ছায়ায় সাজানো স্বপ্নের শ্মশান পরিণতি।

I. মন্তব্য : বাংলাদেশে তেতাল্লিশের (ইং ১৯৪৩/বাংলা ১৩৫০) মহামহন্তর বস্তুত ‘মনুষ্যসৃষ্ট দুর্ভিক্ষ’।

কারণ (ক) : সেই সময়ে প্রাকৃতিক দুর্যোগ এবং শস্যহানি গ্রামীণ বঙ্গজীবনকে ধ্বস্ত করেছিল।

কারণ (খ) : দ্বিতীয় বিশ্বযুদ্ধের সময়ে বিশ্বরাজনীতির প্রবল অভিঘাত এবং ঔপনিবেশিক ভারতবর্ষে ব্রিটিশ সরকারের চরম পেষণনীতি এদেশের কৃষিঅর্থনীতির আকাশে চরম বিপর্যয় সৃষ্টি করেছিল।

মন্তব্যের পরিপ্রেক্ষিতে কোন্ কারণটি সঠিক?

a. কারণ (ক) সঠিক, কিন্তু কারণ (খ) সঠিক নয়।

b. কারণ (খ) সঠিক, কিন্তু কারণ (ক) সঠিক নয়।

c. কারণ (ক) এবং কারণ (খ) কোনোটিই সঠিক নয়।

d. কারণ (ক) এবং কারণ (খ) উভয়ই সঠিক।

II. নিম্নলিখিত বিবৃতিগুলি দেখো -

বিবৃতি (ক) : ‘অশনি সংকেত’ উপন্যাসটি লিখেছিলেন বিভূতিভূষণ মুখোপাধ্যায়।

বিবৃতি (খ) : ‘নবান্ন’ নাটকটি লিখেছিলেন বিজন ভট্টাচার্য।

বিবৃতি (গ) : জ্যোতিরিন্দ্র মৈত্র বাঁধলেন ‘নতুনজীবনের গান’।

কোন্ উত্তরটি সঠিক?

a. (ক) ঠিক, (খ) ভুল, (গ) ঠিক।

b. (ক) ঠিক, (খ) ভুল, (গ) ভুল।

c. (ক) ভুল, (খ) ভুল, (গ) ঠিক।

d. (ক) ভুল, (খ) ঠিক, (গ) ভুল।

III. ‘গাঁয়ের বধূ’ - গানটি লিখেছিলেন -

a. সলিল চৌধুরী।

b. সলিল সেন।

c. সুধী প্রধান।

d. চিত্তপ্রসাদ।

IV. ‘ক্ষুধার্ত’ সন্ধি বিচ্ছেদ করলে হয় -

a. ক্ষুধা + আর্ত।

b. ক্ষুদা + আর্ত।

c. ক্ষুধা + ঋত।

d. ক্ষুধ + আর্ত।

C. “একজন কেউ লিখতে থাক, আমি বলি।” আলমবাজার মঠের বড় ঘরটিতে বসিয়া সমবেত সাধু-ব্রহ্মচারীগণের মধ্যে, স্বামীজি একজন কাহাকেও আদেশ করিতেছেন - শ্রীরামকৃষ্ণ-মঠের আদর্শ, কর্মনীতি ও সন্ন্যাসী, ব্রহ্মচারীদের জীবনধারা সম্পর্কে কয়েকটি নিয়ম সূত্রাকারে লিপিবদ্ধ করিয়া লইতে। ১৮৯৭ খ্রিস্টাব্দের এপ্রিলের শেষ তখন।

মূর্তিমান ব্যক্তিত্বের মুখোমুখি বসিয়া, অগ্নিময় সেই বাণীপ্রবাহকে ধারণ করিতে কেহই সেদিন সাহস পাইতেছিলেন না। পরস্পর পরস্পরকে ঠেলিতেছেন - আগাইয়া কিন্তু কেহই আসিতেছিলেন না। অবশেষে ‘একজন কেউ’ স্বামীজির সম্মুখে অগ্রসর হইয়া কাগজ-কলম হাতে লইয়া গণেশের আসন গ্রহণ করিলেন। যদিও বয়সে অতিশয় নবীন - মাত্র চার-পাঁচ দিন হইল মঠে যোগ দিয়াছেন, কিন্তু প্রকৃতিটি তাঁহার যথার্থই বিবেকানন্দ-তড়িৎ-শক্তি বহনের উপযোগী বটে! স্বামীজীর পদপ্রান্তে সমাসীন সেদিনের এই ‘একজন কেউ’ উত্তরকালে স্বামী শুদ্ধানন্দ নামে যুগাচার্য বিবেকানন্দের ভাব ও বাণীর জীবন্ত ভাস্কর্য্যে সকলের শ্রদ্ধার্ত হইয়াছিলেন। তাঁহার সমগ্র জীবনটি ছিল কর্ম-পরিণত বেদান্তের বাস্তব মূর্তি-স্বরূপ। বহু-শাস্ত্রবিদ শুদ্ধানন্দের জীবনে যে অত্যাশ্চর্য সমন্বয়াদর্শ ফুটিয়া উঠিয়াছিল, উহা তাঁহার গুরুভক্তি ও অতন্ত্র সংঘ-সেবারই ফল। শ্রীরামকৃষ্ণ-সঙ্ঘের পরিবর্ত্তিত্বের ইতিহাসে স্বামীজির একনিষ্ঠ এই প্রিয় সন্তানের অবদান এক অবিস্মরণীয় উজ্জ্বল অধ্যায়ের সৃষ্টি করিয়াছে। স্বামীজির অধিকাংশ গ্রন্থাবলির বঙ্গানুবাদক রূপে এবং তাঁহার ভাবাদর্শের শ্রেষ্ঠ প্রবক্তারূপে শুদ্ধানন্দজি বাংলা সাহিত্য-সংস্কৃতিতে তথা ধর্মোতিহাসে চির অমর। স্বামী শুদ্ধানন্দের পূর্বনাম সুধীরচন্দ্র চক্রবর্তী। সুধীরচন্দ্রের পৈতৃক বাটি ছিল কলিকাতার সাপেন্টাইন্ লেনে। তাঁহার পিতা আশুতোষ চক্রবর্তী অতিশয় ধর্মনিষ্ঠ, উদারচেতা ব্রাহ্মণ ছিলেন। ইংরেজি ১৮৭২ খ্রিস্টাব্দে সুধীরচন্দ্রের জন্ম। শৈশব হইতেই সুধীরচন্দ্রের জীবনে ধর্মের প্রতি প্রবল আকর্ষণ দেখা যাইত।

I. “একজন কেউ লিখতে থাক, আমি বলি।” - স্বামীজি সাধু-ব্রহ্মচারীদের কী লেখার কথা বলেছিলেন?

- a. মঠের আদর্শ এবং নিয়মাবলী।
- b. আলমবাজার মঠের বৃত্তান্ত।
- c. শ্রীরামকৃষ্ণ কথিত উপদেশ।
- d. শ্রীরামকৃষ্ণ সংঘের কার্যবিবরণী।

II. মন্তব্য (ক) : স্বামীজির পদপ্রান্তে সমাগত একজন ত্যাগী শিষ্যের জীবন-চরিত এই অনুচ্ছেদের উপজীব্য।

মন্তব্য (খ) : শ্রীরামকৃষ্ণ-বিবেকানন্দ ভাবপ্রচারের ইতিহাসে মহনীয় এইসব জীবনের অবদান অবিস্মরণীয়।

কোন বিকল্পটি সঠিক?

- a. মন্তব্য (ক) সঠিক, কিন্তু মন্তব্য (খ) সঠিক নয়।
- b. মন্তব্য (খ) সঠিক, কিন্তু মন্তব্য (ক) সঠিক নয়।
- c. মন্তব্য (ক) এবং মন্তব্য (খ) উভয়ই সঠিক।
- d. মন্তব্য (ক) এবং মন্তব্য (খ) কোনোটিই সঠিক নয়।

III. কোন্ সময়ে সুধীর গৃহত্যাগ করে আলমবাজার মঠে এসে যোগদান করেছিলেন?

- a. অনুচ্ছেদে সময়কালটি উল্লেখ করা নেই।
- b. তখন ১৮৯৭, শেষের দিকে।
- c. চার-পাঁচ দিন হল মঠে যোগ দিয়েছেন।
- d. তখন ১৮৯৭, এপ্রিল মাস।

- IV. সেই বাণীপ্রবাহকে ধারণ করিতে কেহই সেদিন সাহস পাইতেছিলেন না। - বাক্যটি চলিত রীতিতে রূপান্তরিত করলে হবে -
- সেই বাণীপ্রবাহকে ধারণ করতে কেউই সেদিন সাহস পেল না।
 - সেই বাণীপ্রবাহকে ধারণ করতে কেউ সেদিন সাহস পাচ্ছিল না।
 - সেই বাণীপ্রবাহকে ধারণ করতে কেউই সেদিন সাহস পেলেন না।
 - সেই বাণীপ্রবাহকে ধারণ করতে কেউই সেদিন সাহস পাচ্ছিলেন না।

Section - B

Grammar : Objective Type Questions (MCQ)

2. ব্যাকরণ থেকে প্রদত্ত প্রশ্নগুলির সঠিক বিকল্প উত্তর বেছে লেখো : (যে কোনো তিনটি) (1×3=3)

I. শান্তিনিকেতনে আসার আগেই প্রকাশ পেয়েছিল শিল্পের প্রতি তাঁর ভালোবাসা। - বাক্যটি সাধু ভাষারীতিতে রূপান্তরিত করলে হবে -

- শান্তিনিকেতনে আসিবার পূর্বেই প্রকাশ পাইয়াছিল শিল্পের প্রতি তাঁহার ভালোবাসা।
- শান্তিনিকেতনে আসিবার আগেই প্রকাশ পাইতেছিল শিল্পের প্রতি তাঁহার ভালোবাসা।
- শান্তিনিকেতনে আসিবার পূর্বেই প্রকাশ পাইয়াছিল শিল্পের প্রতি তাঁর ভালোবাসা।
- শান্তিনিকেতনে আসিবার আগেই প্রকাশ পাইয়াছে শিল্পের প্রতি তাঁহার ভালোবাসা।

II. মন্তব্য (ক) : কবিতায় সাধু ও চলিত রূপের মিশ্রণ আদৌ দোষাবহ নয়।

মন্তব্য (খ) : গদ্য রচনার ক্ষেত্রে সাধু ও চলিত রীতির মিশ্রণ বিন্দুমাত্র চলে না।
কোন বিকল্পটি সঠিক?

- মন্তব্য (ক) ও মন্তব্য (খ) কোনোটিই সত্য নয়।
- মন্তব্য (ক) সত্য, কিন্তু মন্তব্য (খ) সত্য নয়।
- মন্তব্য (খ) সত্য, কিন্তু মন্তব্য (ক) সত্য নয়।
- মন্তব্য (ক) ও মন্তব্য (খ) উভয়ই সত্য।

III. কিন্তু ক্ষুদ্র আশু সেই বেঞ্চির উপর হইতে একখানি কোঁচা ও দুইখানি পা ঝুলাইয়া ক্লাসের সকল বালকের লক্ষ্যস্থল হইয়া বসিয়া রহিল। - বাক্যটি চলিত ভাষারীতিতে রূপান্তরিত করলে হবে -

- কিন্তু ক্ষুদ্র আশু সেই বেঞ্চির উপর হতে একখানি কোঁচা ও দুইখানি পা ঝুলিয়ে ক্লাসের সব বালকের লক্ষ্যস্থল হইয়া বসিয়া থাকল।
- কিন্তু ক্ষুদ্র আশু সেই বেঞ্চির উপর হইতে একখানি কোঁচা ও দুইখানি পা ঝুলাইয়া ক্লাসের সকল বালকের লক্ষ্যস্থল হইয়া বসিয়া রইল।
- কিন্তু ক্ষুদ্র আশু সেই বেঞ্চির ওপর হতে একখানি কোঁচা ও দু'খানি পা ঝুলিয়ে ক্লাসের সব বালকের লক্ষ্যস্থল হয়ে বসে রইল।
- কিন্তু ক্ষুদ্র আশু সেই বেঞ্চির ওপর হতে একখানি কোঁচা ও দু'খানি পা ঝুলিয়ে ক্লাসের সকল বালকের লক্ষ্যস্থল হয়ে বসে রহিল।

IV. গোপালচন্দ্র গবেষণা করেছেন বিভিন্ন ধরনের পোকামাকড় নিয়ে। - বাক্যটি সাধু ভাষারীতিতে রূপান্তরিত করলে হবে -

- গোপালচন্দ্র গবেষণা করিয়াছিলেন বিভিন্ন ধরনের পোকামাকড় নিয়ে।

- b. গোপালচন্দ্র গবেষণা করিয়াছেন বিভিন্ন ধরনের পোকামাকড় লইয়া।
c. গোপালচন্দ্র গবেষণা করিতেছেন বিভিন্ন ধরনের পোকামাকড় লইয়া।
d. গোপালচন্দ্র গবেষণা করিয়াছিল বিভিন্ন ধরনের পোকামাকড় লইয়া।

V. প্রবাসীরা দেশে ফিরিয়া আসিতেছে। - বাক্যটি চলিত ভাষারীতিতে রূপান্তরিত করলে হবে -

- a. প্রবাসীরা দেশে ফিরিয়া আসছে।
b. প্রবাসীরা দেশে ফিরে এসেছিল।
c. প্রবাসীরা দেশে ফিরে এল।
d. প্রবাসীরা দেশে ফিরে আসছে।

Section - C

Main Course Book & Supplementary Reader / Non- detailed Text : (MCQ)

3. পাঠ্য গদ্য থেকে প্রদত্ত প্রশ্নগুলির সঠিক বিকল্প উত্তরটি নির্বাচন করে লেখো : (যে কোনো ছ'টি)

(1×6=6)

I. 'আর যেন বেশ একটু হতাশস্বরে প্রশ্ন করে ওঠে।' - এই হতাশস্বরের কারণ -

- a. হিমালয় থেকে আগত সন্ন্যাসীর পায়ের ধুলো পাননি হরিদা।
b. রূপসি বাইজি আসলে একজন বহুরূপী।
c. স্কুলের মাস্টারমশাই একজন নকল পুলিশকে ঘুষ দিয়েছেন।
d. হরিদা নিরুপায় হয়ে জগদীশবাবুর দেওয়া টাকাটা ফেলে এসেছেন।

II. মন্তব্য : ইসাবের বাবার শান্ত গলায় ডাক শুনে অমৃত এবং ইসাব চিন্তিত হয়ে পড়ে।

কারণ (ক) : কালিয়ার বাবা তাদের সম্পর্কে নালিশ জানিয়েছেন।

কারণ (খ) : প্রকৃত ঘটনাটি ইসাবের বাবা জেনেছেন, শুধু ভালোবাসার ভান করছেন মাত্র।

প্রদত্ত কারণগুলির মধ্যে কোনটি সঠিক?

- a. কারণ (ক) ও কারণ (খ) কোনোটিই গ্রহণযোগ্য নয়।
b. কারণ (ক) ও কারণ (খ) উভয়ই গ্রহণযোগ্য।
c. কারণ (খ) সঠিক, কারণ (ক) গ্রহণযোগ্য নয়।
d. কারণ (ক) সঠিক, কারণ (খ) গ্রহণযোগ্য নয়।

III. "ও চেহারা কি সত্যিই কোনো বহুরূপীর হতে পারে?" - কাকে দেখে এমন বিস্ময় জেগে উঠেছে?

- a. চকের বাস স্ট্যান্ডে উন্মাদ পাগলকে দেখে।
b. দয়ালবাবুর লিচু বাগানে নকল পুলিশকে দেখে।
c. বোঁচকা কাঁধে বুড়ো কাবুলিওয়ালাকে দেখে।
d. বিরাগীকে দেখে।

IV. ‘ভাই অদল বদল’ - অমৃত এবং ইসাবের উদ্দেশ্যে ছেলের দল একথা কখন বলতে লাগল?

- a. তারা যখন হাত ধরাধরি করে ওদের কাছে এল।
- b. তারা যখন হাত ধরাধরি করে গ্রামের ধারে হোলির সময়কার বাজি আর বুড়ির বাড়ি পোড়ানো দেখতে গেল।
- c. তারা যখন বাজি আর বুড়ির বাড়ি পোড়ানো দেখে ফিরছিল।
- d. গলি থেকে বেরিয়ে তারা যখন নিঃশব্দে বাড়ির দিকে যাচ্ছিল।

V. “তোর হবে। হাঁ বাবা তোর হবে।” - তপনকে ঘিরে বাড়ির এইরূপ কথার মধ্যে ছিল -

- a. প্রচ্ছন্ন ঠাটা-তামাশা।
- b. বিরক্তি ও উপেক্ষা।
- c. উচ্ছ্বসিত প্রশংসা।
- d. সাহস এবং উৎসাহ জোগানো।

VI. মন্তব্য : “... সমাজের সঙ্গে নিজেকে তিনি খাপ খাওয়াতে পারলেন না কিছুতে।” -

কারণ (ক) : আলোবাবু নির্লিপ্ত এবং উদাসীন স্বভাবের মানুষ।

কারণ (খ) : স্বার্থবুদ্ধি সম্পন্ন মলিন-সমাজের সঙ্গে সহজ, বিবেকবান আলোবাবু কখনো মানিয়ে নিতে পারেন না।

প্রদত্ত কারণগুলির মধ্যে কোন্টি সঠিক?

- a. কারণ (ক) সঠিক, কারণ (খ) গ্রহণযোগ্য নয়।
- b. কারণ (ক) ও কারণ (খ) উভয়ই গ্রহণযোগ্য।
- c. কারণ (ক) ও কারণ (খ) কোনোটিই গ্রহণযোগ্য নয়।
- d. কারণ (খ) সঠিক, কারণ (ক) গ্রহণযোগ্য নয়।

VII. “হরিদার জীবনের ভাতের হাঁড়ি মাঝে মাঝে শুধু জল ফুটিয়েই সারা হবে।”- কথাটির অন্তর্নিহিত তাৎপর্য হলো -

- a. জল ফুটে শেষপর্যন্ত বাষ্পীভূত হবে।
- b. হাঁড়ির ফুটন্ত জলে চাল দেওয়ার কথা হরিদা প্রায়ই ভুলে যান।
- c. ভাতের হাঁড়ির জল ফুটে গেলে হরিদা চায়ের জন্য জল চাপান।
- d. হরিদার জীবন থেকে দারিদ্র্য কখনো দূর হবে না।

VIII. ঘরে ঢুকেই আলোবাবু নিজের ভাঙা তোরঙ্গ থেকে প্রথমে বের করলেন -

- a. ছোট ঘড়ি।
- b. ছোটো টিনের বাক্স।
- c. ন্যাকড়ার ছোটো পুঁটুলি।
- d. লাল রঙের শালুর পুঁটুলি।

4. গল্পগুচ্ছ (পাঠ্য সংস্করণ) থেকে প্রদত্ত প্রশ্নগুলির সঠিক বিকল্প উত্তরটি নির্বাচন করে লেখো: (যে কোনো চারটি) (1×4=4)

I. এক-এক দিন সন্ধ্যাবেলায় পোস্টমাস্টার কোথায় বসে রতনের কাছে নিজের ঘরের কথা বলতেন?

- a. বৃহৎ আটচালার কোণে বসে।

- b. অন্ধকার দাওয়ায় বসে।
- c. অন্যমনস্কভাবে চৌকিতে বসে।
- d. বৃহৎ আটচালার কোণে আপিসের কাঠের চৌকির উপর বসে।

II. ‘গভীর দীর্ঘনিশ্বাস ফেলিয়া অশান্তভাবে রাখা এ-পাশ ও-পাশ করিতেছে।’ - এই ঘটনাটি প্রায়শই কার দৃষ্টিগোচর হতো?

- a. শশিভূষণের।
- b. রাসমণির।
- c. ব্রজসুন্দরীর।
- d. মাসির।

III. ‘সকাল হইতে ভারি গোলামাল,।’ - কারণ -

- a. রহমত জনৈক প্রতিবেশীকে ছুরি দিয়ে আঘাত করেছে।
- b. মিনি কাবুলিওয়ালার কাছ থেকে আধুলি নিয়েছে।
- c. মিনির বিবাহ।
- d. গড়ের বাদ্য আসেনি বলে অন্তঃপুরের মেয়েরা অসন্তুষ্ট।

IV. মন্তব্য : ‘.... এই ঝঞ্ঝাট হাত হইতে ঝাড়িয়া ফেলিবার জন্য উৎসুক হইয়া উঠিলেন।’ -

কারণ (ক) : শশিভূষণের সম্পত্তি যে ব্যক্তি নিলামে খরিদ করেছিল, সে জমিদারির কাজে সম্পূর্ণ অনভিজ্ঞ।

কারণ (খ) : রাখামুকুন্দ দাদার সম্পত্তি পুনরুদ্ধারে বন্ধপরিকর ছিলেন; তাঁর কৌশলে সেই ব্যক্তি নানা ঝঞ্ঝাটের মধ্যে পড়ে তিত্তিবিরক্ত হয়ে পড়েছিলেন।

প্রদত্ত কারণগুলির মধ্যে কোন্টি সঠিক?

- a. কারণ (ক) সঠিক হলেও কারণ (খ) গ্রহণযোগ্য নয়।
- b. কারণ (খ) সঠিক হলেও কারণ (ক) গ্রহণযোগ্য নয়।
- c. কারণ (ক) ও কারণ (খ) কোনোটিই গ্রহণযোগ্য নয়।
- d. কারণ (ক) ও কারণ (খ) উভয়ই গ্রহণযোগ্য।

V. ‘অমনি সে উর্ধ্বশ্বাসে অন্তঃপুরে দৌড় দিল...।’ - মিনির দৌড় দেওয়ার কারণ -

(ক) দীর্ঘদেহি কাবুলিওয়ালার উদ্ভট পোশাক ও মুখমণ্ডল।

(খ) কাবুলিওয়ালার সম্পর্কে অন্ধবিশ্বাস।

(গ) কাবুলিওয়ালার ঝুলি দেখে ভয় পাওয়া।

নীচের কোন্ বিকল্পটি সঠিক?

- a. (ক), (খ), (গ)।
- b. (ক), (খ)।
- c. (ক), (গ)।
- d. (খ), (গ)।

VI. ‘... তখন হৃদয়ের মধ্যে অত্যন্ত একটা বেদনা অনুভব করিতে লাগিলেন -’ - উদ্দিষ্ট ব্যক্তি কখন অত্যন্ত বেদনা অনুভব করতে লাগলেন?

- রাধামুকুন্দ বেদনার্ত হলেন শশিভূষণের শ্বাসক্রিয়া কষ্টসাধ্য হয়ে উঠল দেখে।
- মিনির সঙ্গে কাবুলিওয়ালার প্রথম সাক্ষাতের দিনটি গল্পকথকের মনে পড়তে।
- প্রবাসী পোস্টমাস্টারের ঘরের আপনজনের কথা মনে পড়লে।
- পোস্টমাস্টারের হৃদয় ভারাক্রান্ত হয় বর্ষাবিস্ফারিত নদীকে ধরণীর উচ্ছলিত অশ্রুশির মতো চারিদিকে ছল্ ছল্ করতে দেখে।

PART-B : (Descriptive Type Questions) 55 Marks

Section-B : Grammar : (Subjective)

5.A. সন্ধিবিচ্ছেদ করো : (যে কোনো দু’টি) (1×2=2)

দূরদৃষ্ট = দুঃ + অদৃষ্ট, চিল্ময়ী = চিং + ময়ী, উদ্ধৃত = উদ্ + হৃত, পশ্চার্ধ = পশ্চাৎ + অর্ধ, পুরোহিত = পুরঃ + হিত

5.B. সন্ধিবদ্ধ পদটি লেখো : (যে কোনো দু’টি) (1×2=2)

তদ্ + নিমিত্ত = তন্নিমিত্ত, পুনঃ + উদ্ধার = পুনরুদ্ধার, শ্রেয়ঃ + কর = শ্রেয়স্কর, অপ্ + জ = অজ, বেটার + ছেলে = বেটাছেলে

6. ব্যাসবাক্যসহ নিম্ন রেখাঙ্কিত পদের সমাস নির্ণয় করো: (যে কোনো তিনটি) (1×3=3)

- অনেক চেষ্টা করেও সে জীবনযুদ্ধে পরাজিত হল।
জীবন রূপ যুদ্ধ, রূপক কর্মধারয় সমাস, তাতে।
- লোকসংগীতের ধারাটি মুখ্যত মৌখিক পরম্পরা নির্ভর এবং স্মৃতিধার্য।
লোকসমাজে প্রচলিত সংগীত, মধ্যপদলোপী কর্মধারয় সমাস, তার।
- অগ্রপশ্চাৎ বিবেচনা না করে কোনো সিদ্ধান্ত নেওয়া উচিত না।
অগ্র ও পশ্চাৎ, দ্বন্দ্ব সমাস।
- কিন্তু উপস্থিতমতো ইহা ছাড়া আর কোনো প্রতিশোধের পথ ছিল না।
শোধের বিরুদ্ধে, অব্যয়ীভাব সমাস, তার।
- ঠাকুরের মুখে ভক্তগণ কথামৃত শ্রবণ করছেন।
কথা অমৃতের তুল্য/ন্যায়/মতো, উপমিত কর্মধারয় সমাস।

7. নির্দেশানুসারে প্রদত্ত বাক্যগুলির গঠনগত রূপান্তর করো : (যে-কোনো তিনটি) (1×3=3)

- তার এই পরিকল্পনা সফল না হলে সারাজীবন তাকে সবার হাসির পাত্র হয়ে কাটাতে হবে। (জটিল বাক্য)
তার এই পরিকল্পনা যদি সফল না হয় তাহলে/তবে সারাজীবন তাকে সবার হাসির পাত্র হয়ে কাটাতে হবে।
- সুতরাং, যখন দেখি এত পরিবর্তনের মধ্যেও কেউ কলম আঁকড়ে পড়ে আছেন তখন বেশ ভালো লাগে। (সরল বাক্য)
সুতরাং এত পরিবর্তনের মধ্যেও কাউকে কলম আঁকড়ে পড়ে থাকতে দেখলে বেশ ভালো লাগে।/সুতরাং এত পরিবর্তনের মধ্যেও কেউ কলম আঁকড়ে পড়ে আছেন দেখলে বেশ ভালো লাগে।
- বোকা হলেও এইটুকু জানে জগাই। (যৌগিক বাক্য)
জগাই বোকা, কিন্তু/তবে এইটুকু জানে।

d. ভালোরকম বিপদেই পড়া গেল। (জটিল বাক্য)

ভালোরকম যে বিপদ, তাতেই পড়া গেল।

e. গিরীশ মহাপাত্র একটা উদ্ভাত কাশির বেগ সামলাইয়া লইয়া ব্যগ্রপদে সম্মুখের দিকে অগ্রসর হইয়া গেল। (যৌগিক বাক্য)

গিরীশ মহাপাত্র একটা উদ্ভাত কাশির বেগ সামলাইয়া লইল এবং/ও ব্যগ্রপদে সম্মুখের দিকে অগ্রসর হইয়া গেল।

Section - C :

[Main Course Book & Supplementary Reader / Non-Detailed Text]

8. ‘অমৃত দৃঢ়স্বরে বলল,’ – অমৃত দৃঢ়স্বরে কখন, কী বলেছিল? (2)

উত্তর-সংকেতঃ

- হোলির দিনের পড়ন্ত বিকেলে অমৃত ও ইসাব যখন শান-বাঁধানো ফুটপাতে এসে বসে...
- তখন তাদের একরকম নতুন পোশাক দেখে ছেলেদের দলের একজন তাদেরকে কুস্তি করার জন্য প্ররোচিত করে, তারা শারীরিক শক্তিতে সমান কিনা-দেখার জন্য এবং অপর একটি ছেলে এতে বেশ মজা হবে বলে জানায়।
- সেই সময় অমৃত দৃঢ় স্বরে জানায় যে, সে কুস্তি করতে নারাজ, কারণ কুস্তি করে নতুন জামা ছিঁড়লে বা ময়লা হলে, তার মা তাকে মারবে।

9.a. ‘জটাজুটধারী কোনো সন্ন্যাসী নয়।’ – কার সম্পর্কে, কেন এইরূপ মন্তব্য করা হয়েছে? (3)

উত্তর-সংকেতঃ

- বিরাগীর বেশধারী বহুরূপী হরিদা সম্পর্কে.....।
- যেহেতু তাঁর হাতে কমণ্ডলু নেই, চিমটে নেই; মৃগ চর্মের আসনও সঙ্গে নেই ... গৈরিক আসনও নেই.... একেবারে আদুড় গা, তার উপরে ধবধবে সাদা উত্তরীয়, পরনে ছোটো বহরের একটি সাদা থান...।

9.b. ‘মা তখন ওকে বেকায়দায় ফেলার জন্য বললেন, ...’। উদ্দিষ্ট ব্যক্তি কখন, কাকে বেকায়দায় ফেলার জন্য কী বলেছিলেন? (3)

উত্তর-সংকেতঃ

- অমৃত ইসাবের মতো নতুন জামা পাওয়ার বায়না ধরে অমৃতর মা তাকে বোঝান যে তার জামাটা প্রায় নতুনই রয়েছে কাঁদতে কাঁদতে অমৃত তার জামার একটা ছেঁড়া জায়গায় আঙুল ঢুকিয়ে আরো ছিঁড়ে দেয় ...
- তখন অমৃতকে বেকায়দায় ফেলার জন্য অমৃতর মা বলেন, যে নতুন জামা পাওয়ার আগে ইসাবের বাবা ইসাবকে খুব মেরেছিলেন; জেদের জন্য সেরকম মার তাকেও খেতে হতে পারে।

10. ‘আসলে লোক খুব ভালো। তাই দয়া করে থাকতে দিয়েছেন।’–

a. বজ্রা কার সম্পর্কে, কখন এই উক্তিটি করেন?

b. দয়া করে থাকতে দিলেও পরবর্তীকালে কোন্ ঘটনায় এবং কেন বজ্রাকে তাঁর আশ্রয়চ্যুত হতে হয়? (2+3=5)

উত্তর-সংকেতঃ

a. অবিনাশবাবুর সম্পর্কে.... গল্পকথকের কাছে আলোবাবু আহত পাখির চিকিৎসা করাতে নিয়ে গিয়েছিলেন।.....

সেই সময়ে আলাপচারিতার সূত্রে গল্পকথক তাঁর বাসস্থানের কথা জানতে চান ... তখন দূর সম্পর্কের ভাগ্নীর বন্ধুর শ্বশুর অবিনাশবাবুর প্রসঙ্গ ওঠে।

b.

- কিছুদিন পর অবিনাশবাবুর বাড়ি থেকেও আলোবাবুকে আশ্রয়চ্যুত হতে হয়। আলোবাবু তাঁর এক বগলে কুকুরের বাচ্চা এবং আর এক বগলে অবিনাশবাবুর শিশু পুত্র তিনুকে নিয়ে একবার কুকুরটির মুখে আর একবার তিনুর মুখে স্নেহচুম্বন দিচ্ছিলেন।
- এই পরিস্থিতিতে পুত্রের স্বাস্থ্যের ক্ষতির কথা ভেবে বিরক্ত অবিনাশবাবুর স্ত্রী আলোবাবুকে তাঁদের বাড়ি থেকে দূর করে দেন।

OR

‘তপন যেন কোথায় হারিয়ে যায় এইসব কথার মধ্যে।’

- a. কাদের কোন্ কোন্ কথার মধ্যে তপন হারিয়ে যায়?
- b. ‘হারিয়ে যাওয়া’ তপনের সেই মুহূর্তের মানসিক অবস্থাটি বিশ্লেষণ করো।

(2+3=5)

উত্তর-সংকেতঃ

- a.
 - ‘সন্ধ্যাতারা’ পত্রিকায় তপনের লেখা গল্পটি প্রকাশিত হলে সারা বাড়ি জুড়ে শোরগোল পড়ে যায়।
 - এই অবস্থায় তপনের নতুন মেসোমশাই গল্পটি ‘একটু-আধটু’ সংশোধন করে প্রকাশ করার কথা জানান। নবাগত লেখকের একটু ত্রুটি-বিচ্যুতি ঘটতেই পারে - মাসির এরূপ মন্তব্য সত্ত্বেও তার বাবা, তার মেজোকাকু বিরূপ মন্তব্য করতে থাকেন।
 - বাবা বলেন, নতুন মেসো না থাকলে তার লেখা গল্পটি নামী পত্রিকায় ছাপানোই হতো না...।
 - মেজোকাকু বলেন, লেখক মেসো থাকলে তাঁরাও গল্প লেখার চেষ্টা করতে পারতেন
 - সকলের ধারণা হয় নতুন মেসো নিজে গিয়ে না দিলে ‘সন্ধ্যাতারা’র সম্পাদক তপনের গল্প ‘কড়ে আঙুল’ দিয়ে ছুঁয়েও দেখতেন না এইরূপ ঠাট্টা-তামাশা, অসম্মানজনক কথার মধ্যে তপন ‘হারিয়ে যায়’ - নতুন গল্প প্রকাশের আনন্দ আর খুঁজে পায় না।
- b.
 - বাড়ি জুড়ে নিষ্করণ সমালোচনা তপনকে ব্যথিত করে তার লেখকসত্তা আহত হয় নতুন মেসো করুণা না করলে তপনের গল্প প্রকাশ হওয়ার সম্ভাবনা প্রায় ছিলই না, এইরূপ সন্দেহ প্রকাশ করতে থাকে সকলে নতুন মেসোর মহত্বের কথায় সকলে তখন পঞ্চমুখ কিন্তু স্বপ্নপ্রবণ, ভাবপ্রবণ তপন এই অপ্রত্যাশিত ঘটনায় অপমানিত বোধ করে প্রথম গল্প প্রকাশের পর যে অপরিসীম আনন্দ হওয়ার কথা, সেটা সে অনুভব করতে পারে না ...।

11. সপ্রসঙ্গ ব্যাখ্যা লেখো:

‘শক্ত সবুজ গাঁ ভেসেছে তিনপাহাড়ের কোলে।’

(5)

উত্তর-সংকেতঃ

উৎসঃ কবিতা - ‘তিনপাহাড়ের কোলে’; কবি - শক্তি চট্টোপাধ্যায়।

প্রসঙ্গঃ পূর্ব দিকের আকাশ পরিষ্কার হতেই দেখা যায় তিনপাহাড়ের কোলে ভেসে থাকা গ্রামকে। সেই প্রসঙ্গে উদ্ধৃত উক্তিটির অবতারণা।

ব্যাখ্যাঃ পাহাড়-অরণ্য ঘেরা এই তিনপাহাড়ের গ্রাম শান্ত-সবুজ-ম্লিঞ্চ পরিবেশ উপল বিস্তীর্ণ ভূমি ... সেখানে যে মানুষজনের বাস তাদের জীবন দুঃখ-কষ্টে পরিপূর্ণ; সংগ্রামবহুল - প্রকৃতির প্রতিকূলতার সঙ্গে লড়াই করতে হয়; এতৎসত্ত্বেও তাদের জীবন আনন্দময় - প্রকৃতির ছায়ায় তাদের জীবন প্রাণময়।

OR

‘এসো, এই ঝরনার সামনে -’

(5)

উত্তর-সংকেতঃ

উৎসঃ কবিতা - ‘একাকারে’; কবি - সুভাষ মুখোপাধ্যায়।

প্রসঙ্গঃ জাতপাতে দীর্ঘ, সাম্প্রদায়িক দাঙ্গা-হানাহানিতে জর্জরিত মানবসমাজ। এই পরিপ্রেক্ষিতে কবি স্বপ্ন দেখেন সংকীর্ণতা মুক্ত মানবিক জীবনভাবনা নির্ভর সমাজব্যবস্থার। সেই প্রসঙ্গে কবির এই উক্তি।

ব্যাখ্যাঃ ঝরনার জলের সামনে নতজানু হয়ে হিন্দু-মুসলমান উভয় সম্প্রদায়ের মানুষকে দু’হাত এক করে জলগ্রহণ করার কথা কবি বলেন। জাতি-ধর্ম নির্বিশেষে বেঁচে থাকার জন্য জলের প্রয়োজন সকলের প্রকৃতির সেই দানের মধ্যে কোনোরকম বৈষম্যমূলক আচরণ নেই ... সুতরাং মানুষের গড়ে তোলা সমাজব্যবস্থায় যে ধর্মগত-জাতিগত বিভেদ, তা অমূলক। জীবনস্বরূপা সেই জলধারা ... তেমনি উদার মানবিক জীবনভাবনা অন্তর দিয়ে গ্রহণ করলে মানবসভ্যতা তার অস্তিত্বকে টিকিয়ে রাখতে পারবে।

12. ‘কিছুই কোথাও যদি নেই

তবু তো কজন আছি বাকি....।’

a. উদ্ধৃত অংশটি কোন্ কবির লেখা এবং কোন্ কবিতার অন্তর্গত? সেই সূত্রে লেখো, কবিতাটি কোন্ মূলকাব্যগ্রন্থ থেকে গৃহীত হয়েছে?

b. বক্তব্যটির অন্তর্নিহিত তাৎপর্য বিশ্লেষণ করো।

(2+3=5)

উত্তর-সংকেতঃ

a. কবি শঙ্খ ঘোষ ... কবিতা ‘আয় আরো বেঁধে বেঁধে থাকি’ ... মূল কাব্যগ্রন্থ – ‘জলই পাষাণ হয়ে আছে’।

b. যুদ্ধবিধ্বস্ত পৃথিবী; সাম্রাজ্যবাদী শক্তির আত্মসনে মানুষ বিপন্ন ... মূল্যবোধের অবক্ষয়, শিশুর মৃত্যু দেখেও মানুষ শাসকের অন্যায়ের প্রতিবাদ করতে অক্ষম ... আতঙ্কজনক পরিস্থিতি ... কোথাও কোনো প্রতিরোধ নেই শাসকের নির্লজ্জতার বিরুদ্ধে ... মানুষ দুর্বল, কাপুরুষের মতো বেঁচে রয়েছে; তবু কবি এই নৈরাজ্য, অস্থিরতা থেকে মুক্তির স্বপ্ন দেখেন এখনো সমাজের বিবেকবোধ মরে যায়নি ... প্রতিবাদী চেতনা এখনো হারিয়ে যায়নি ... নির্ভীক, বিবেকবান মানুষই পারে মানবসমাজে ঘনীভূত অন্ধকারকে দূর করে দিতে। জনশক্তির সংঘবদ্ধ প্রতিরোধ ... চৈতন্যে জারিত মানবতাবোধ ভবিষ্যৎ পৃথিবীকে সুস্থ, সুন্দর করে তুলবে।

OR

‘গান দাঁড়াল ঋষিবালাক’ –

a. কোন্ প্রসঙ্গে কবি এই উক্তি করেছেন?

b. ঋষিবালাকের অনুষ্ণ উপস্থাপনের তাৎপর্য স্পষ্ট করো।

(2+3=5)

উত্তর-সংকেতঃ

a. কবি জয় গোস্বামী ‘অস্ত্রের বিরুদ্ধে গান’ কবিতায় যুদ্ধবিধ্বস্ত, অশান্ত, রক্তস্রাব পৃথিবীর বুকে শান্তির বার্তা নিয়ে আসতে ‘গানকেই’ একমাত্র অবলম্বন বলে মনে করেছেন। মানবতাবাদী কবি বিশ্বব্যাপী অস্ত্রের আঞ্চালনকে ‘গান’ দ্বারা, সুন্দর জীবনভাবনার দ্বারা প্রতিহত করতে চেয়েছেন।

b. পৃথিবী যুদ্ধে বিধ্বস্ত হলেও মানুষের স্বপ্নের, ভালোবাসার সভ্যতাকে ধ্বংস করা সম্ভব হয়নি। যুদ্ধ নির্মম সত্য হলেও, শেষ সত্য নয়। সেই কারণে সঙ্গীতের সৃজনশীলতা সমাজকে সৃষ্টিশীলতার দিকে এগিয়ে নিয়ে যায়। অস্ত্র ফেলে গলায় গান নিয়ে মানুষ যখন দাঁড়ায়, মানবিক জীবনবোধে ঋদ্ধ হয় তখন জীবন হয়ে ওঠে ঋষিবালাকের মতোই সুন্দর, পবিত্র; সহজ-স্বাভাবিক – মানুষ তখন অমৃতের সন্তান। সে তখন হিংসাদীর্ঘ পৃথিবীর বুকে সত্যের সন্ধান এনে দিতে পারে বলেই ঋষিবালাকের অনুষ্ণ ব্যবহার করেছে কবি।

13. ‘দেখিয়া আমার চোখ ছল্ ছল্ করিয়া আসিল।’ –

a. কখন, কী দেখে বক্তার চোখ ছল্ ছল্ করে উঠেছিল?

b. এই সময় তিনি যে উপলব্ধিতে উপনীত হলেন - তার স্বরূপ বিশ্লেষণ করো।

(2+3=5)

উত্তর-সংকেতঃ

a. জেল থেকে ছুটি পেয়ে কাবুলিওয়ালা মিনির সঙ্গে দেখা করতে এসে তার জন্য আঙুর, কিসমিস, বাদাম দিলে গল্পকথক তাকে দাম দিতে চান; কিন্তু কাবুলিওয়ালা তা ফিরিয়ে দিয়ে জানায় যে মিনি তার কন্যাসমা। সে সওদা করতে আসতো না; মিনির সাথে তার অন্তরের সম্পর্ক। এ কথা বলে সে তার মস্ত টিলা জামাটার ভিতর থেকে এক টুকরো ময়লা কাগজ বার করে দেখায়। সযত্নে রাখা সেই কাগজের ভাঁজ খুললে গল্পকথক দেখেন, ভুসা মাখানো ছোট্ট হাতের ছাপ। দূর দেশে সন্তানকে রেখে আসার যন্ত্রণা তাকে কাতর করে মেয়ের সেই স্মরণ চিহ্নটুকু বুকে ধরে কলকাতার রাজপথে সে ঘুরে বেড়ায় - এইদেখে বক্তার চোখ ছল্ ছল্ করে উঠেছিল।

b. পিতৃহৃদয়ের শাশ্বত ভালোবাসার কথাতো আছেই; কিন্তু সন্তানের সঙ্গে দূরত্ব, সন্তান বড় হয়ে ওঠার সঙ্গে সঙ্গে অপরিচয়ের ব্যবধান পিতৃহৃদয়কে বেদনাবিধুর করে তোলে।

14. ‘.... কিন্তু এক ডাকেই ঘরে আসিত না।’

a. ‘এক ডাকেই’ কে ঘরে আসতো না? সেই সূত্রে তার সামাজিক অবস্থানগত পরিচয় দাও।

b. কে, কোন্ পরিস্থিতিতে তাকে ব্যাকুলভাবে ডাকার প্রয়োজনীয়তা অনুভব করেছিলেন?

(2+3=5)

উত্তর-সংকেতঃ

a. রতন উলাপুর গ্রামের পিতৃমাতৃহীনা এক বালিকা ...

দরিদ্র ... বয়স তার বারো-তেরো; বিয়ের বিশেষ সম্ভাবনা নেই বললেই চলে।

b.

■ উলাপুর গ্রামের পোস্টমাস্টার;

■ সন্ধ্যার সময় গ্রামের গোয়ালঘর থেকে ধোঁয়া কুণ্ডলায়িত হয়ে উঠতো, ঝোপেঝোপে ঝিল্লি ডাকত, দূরে গ্রামের নেশাখোর বাউলের দল খোল-করতাল বাজিয়ে উঁচু গলায় গান জুড়ে দিত - তখন অন্ধকার দাওয়ায় একলা বসে গাছের কম্পন দেখে পোস্টমাস্টারের কবিহৃদয়ে ঈষৎ হৃৎকম্প উপস্থিত হত সেই সময়ে ঘরের কোণে একটি ক্ষীণশিখা প্রদীপ জ্বালিয়ে পোস্টমাস্টার রতনকে ডাকতেন। ...

■ শহুরে শিক্ষিত যুবক পোস্টমাস্টারের কাছে গ্রামের সন্ধ্যার সেই পরিবেশ অত্যন্ত ভীতিজনক এবং অস্বস্তিকর ... নিঃসঙ্গ পোস্টমাস্টারের তখন একমাত্র অবলম্বন ছিল রতন।

OR

‘রাধামুকুন্দ দীর্ঘনিশ্বাস ফেলিয়া চলিয়া গেলেন, তাঁহার হৃদয়ভার সমান রহিল।’-

a. কখন রাধামুকুন্দ দীর্ঘনিশ্বাস ফেলে চলে গেলেন?

b. পরবর্তী সময়ে হৃদয়ভার লাঘবের জন্য যে পস্থা রাধামুকুন্দ অবলম্বন করেছিলেন, তার সুদূরপ্রসারী প্রভাব কীভাবে পড়েছিল তাঁর জীবনে?

(2+3=5)

উত্তর-সংকেতঃ

a. বড়োগিল্লি ব্রজসুন্দরীর বাক্যবাণে অতিষ্ঠ রাধামুকুন্দ যখন তাঁর আক্রমণ-বৃত্তান্ত শিশিভূষণের কাছে সংক্ষেপে ও শান্তভাবে বর্ণনা করেন, তখন স্থিতধী শিশিভূষণ জানিয়ে দেন যে বিষয়-সম্পত্তি নিয়ে সংসারে সমস্যা নতুন কোনো কথা নয়। বড়োগিল্লি পরের ঘরের মেয়ে, তাই তার কথা শুনে সংসার ত্যাগ করা কখনোই ঠিক নয়। এছাড়াও শিশিভূষণ বলেন, রাধামুকুন্দ সংসার থেকে চলে গেলে তাঁর শান্তি বিনষ্ট হবে। এই কথা শোনার পর রাধামুকুন্দ দীর্ঘনিশ্বাস ফেলে চলে গেলেও তার হৃদয়ভার লাঘব হয় না।

b. রাধামুকুন্দই শশিভূষণের সদর-খাজনা লুট করিয়ে তাঁর সম্পত্তি নিলাম করিয়েছিলেন। ছোটোবেলা থেকেই রাধামুকুন্দ এবং শশিভূষণের অন্তরে কোনো প্রভেদ ছিল না। যা কিছু পার্থক্য ছিল, তা বহিরঙ্গের। শুধু একটি প্রভেদই প্রকট হয়ে দাঁড়িয়েছিল যে, রাধামুকুন্দ দরিদ্র এবং শশিভূষণ ধনী। রাধামুকুন্দ অনুভব করেছিলেন, এই অর্থনৈতিক ব্যবধানের কারণে তাঁদের মধ্যে বিচ্ছেদের সম্ভাবনা ক্রমাগত গুরুতর হয়ে উঠছে। সেই সম্ভাবনাকে সমূলে বিনষ্ট করার জন্যই রাধামুকুন্দ এই অনভিপ্রেত কৌশলের আশ্রয় নিয়েছিলেন; কিন্তু রাধামুকুন্দের এই কাজের পরিণাম ভালো হয়নি। শশিভূষণের শারীরিক ও মানসিক অবস্থার ক্রমাবনতি দেখে রাধামুকুন্দের মধ্যে এক গভীর অপরাধবোধ এবং অনুশোচনা জেগে ওঠে। শশিভূষণের মৃত্যুশয্যায় তাঁর কাছে সমস্ত অপরাধ স্বীকার করে ক্ষমাপ্রার্থনা করেন রাধামুকুন্দ এবং বাকরুদ্ধ শশিভূষণ ক্ষমাসুন্দর দৃষ্টিতে ভাইকে মার্জনা করে যান।

Section – D [Creative Writing]

15. নিম্নলিখিত যে-কোনো একটি বিষয় অবলম্বনে অনুচ্ছেদ রচনা করো।

(6)

- a. শহরের কোলাহল ছাড়িয়ে অনেক দূরে।
- b. ভারতীয় মহিলা ক্রিকেট দলের বিশ্বজয়।
- c. শতবর্ষে ঋত্বিক ঘটক।

নির্দেশিকাঃ নির্দিষ্ট আঙ্গিকের যথাযথ অনুসরণ ও বিষয়বস্তু প্রশ্নানুগ হওয়া বাঞ্ছনীয়।

16. ধরো তুমি পূর্ব-মেদিনীপুরের অধিবাসী। দীঘা, তাজপুর, শংকরপুর সমুদ্র সৈকতে নিঃশব্দে ঝাউবন উধাও হয়ে যাচ্ছে - সচেতন নাগরিক হিসেবে এই বিষয়ে তোমার মতামত প্রকাশ করে স্থানীয় একটি দৈনিক সংবাদপত্রের সম্পাদকের কাছে পত্র লেখো।

(6)

OR

বর্তমানে শব্দবাজির ব্যবহার মানুষের জীবনে উৎসব পালনের একটা গুরুত্বপূর্ণ অঙ্গ হয়ে দাঁড়িয়েছে। এর ফলে মানুষ, পশু-পাখি ক্ষতিগ্রস্ত হচ্ছে। একজন সচেতন নাগরিক হিসেবে এই বিষয়ে তোমার মতামত প্রকাশ করে একটি দৈনিক সংবাদপত্রের সম্পাদকের কাছে পত্র লেখো।

(6)

নির্দেশিকাঃ নির্দিষ্ট আঙ্গিকের যথাযথ অনুসরণ ও বিষয়বস্তু প্রশ্নানুগ হওয়া বাঞ্ছনীয়।